

À a posta

Liveddu : A2

Parlata : Aiaccinu, Gravona, Supranacciu

Durata : 4'22''

À veda à pena ciò ch'idda si pò fà à a posta .

.U filmettu:

1. Una lettara da ritirà : 0'51''
2. Un pacchettu da mandà : 0'39''
3. Si cambia d'addrizzu : 1'35''
4. Bisognu di franchizii : 0'48''

SCOPI CUMUNICATIVI

- Dumandà è dà rinsignamenti...
- Sprima crianzi
- Sprima una durata

Sfruttera pidagogica :

.Capiscitura:

U prufessori si pudarà ghjuvà da l'esercizii interattivi.

1. Glubali :

. À i sculari li si dumanda di dì tuttu ciò ch'eddi poni nantu à u filmettu (paroddi, pezzi d'infrasati, situazioni...). À pocu à pocu si ghjugni à una discrizzioni fundia di u cuntestu è di i situazioni.

2. À pezzi :

- . Pà ogni parti si pò dumandà à i sculari di truvà un titulu.
- . I sculari ripetini u più paroddi, pezzi d'infrasati o infrasati pussibili.
- . U prufessori faci i dumandi pricisi : « quali ci hè quì ? », « quantu ci hè parsoni ? », « comu si chjamani ? » ecc...

.Sprissioni

.I sculari rifacini a passata à menti (si scegli una parti o dui di u filmettu). A poni rifà mittendu ci l'elementi parsunali.

.I sculari cercani di trascriva uni pochi d'infrasati in a so varietà.

Lessicu :

-I crianzi : mi faci piacè, bonghjornu, saluta/salute, bona sera, bona notti, comu stai, à veda ci, à dopu, à prestu, à dumani..., pà piacè, sciala ti la/scialeti vi la, altru è tantu, bon appetittu, tanti saluti/tante salute, scuseti, mi dispiaci...

-A durata : .ora, ghjornu, matinata, sirata, ghjurnata, mesi, misata, annu, annata, mezu, sanu...

.à parta si da, da...à, à u capu di, durante, intantu, in u mentri/mentri chì, dipoi/dapoi, (un mesi) fà, hè/sò (un mesi, dui mesi)...

-L'agenzia pustali : l'intrata, l'escita/a surtita, u bancu, a scatula à lettari, l'urdinatori, l'impiegatu, u stampatu, u distributori, a balancia/a bilancia, (u serviziu, a lettara, u pacchettu) prontu è fattu/pustatu.

-U currieru, i pacchetti : a lettara, a cartulina, l'inviloppu, a franchizia, l'addrizzu/l'indirizzu, u spiditori, u destinatariu, a scatula, u pacchettu, a sifuletta, un dannu, a reclamazioni, in furia/à a lestra, a ricevuta (*accusé de réception*)...

- Aghjettivi : electronicu, pustali, ricumandatu, dannighjatu, inchjaccatu...

- Verbi : apra, sarrà/chjuda/chjode, cunsiglià, prupona, mandà, riceva, pisà, vultà, metta a franchizia, riempia/rebbia, firmà (*firmu*)/zifrà, ingutuppà, pagà, renda a muneta, ...

-À chì..., à quandu... : à chì leghji, à chì ghjoca ; à quandu veni, à quandu ùn veni.

Gramatica :

-A pripusizioni da : . da quali, da chì : Da quali hè sta lettara ? Da chì hè sta scatula ?

. « da » ≠ « di » : stà luntanu da noi, morgu da a fami, a mina hè di Ghjulia, ci hè u duveri di corsu.

-L'obbligu : ci voli di/ci voli à. Ci voli + gruppu numinali

-U prisenti di l'indicativu di dà, vena, tena, vulè, vultà

-L'imperativu di dà, vena, tena, vultà

-A svucalatura in a cunghjucazioni : veni/viniti, vultu/vultemi

Funulugia

- U schema intunativu
- /z/
- [k] [kw]

Cultura

-I mezi di cumunicazioni :

- .a lettara
- .u dispacciu tiliffunatu
- .u melu
- .i reti siciali
- .u teleffunu
- .a telecumunicazioni (telechjama)

-Quando sò stati invintati é/o aduprati da u gran publicu i mezi di cumunicazioni ?

- .a lettara : 3300 nanz'à Cristu
- .u dispacciu scrittu : 1844
- .u teleffunu : 1873
- .a telecopia (fax = latinu FAC SIMILE) : 1902 (trasmissioni di ritratti cù u teleffunu)
1988 (7,5 M d'utilizatori in u mondu)
- .u melu : 1971 (invinzioni) 1992 (melu cù pezza aghjunta)
- .u missaghju telescrittu (sms = *short message service*) : 2002
- .a telecumunicazioni : - visiucunfarenza 1990 -telechjama : 2003
- .i reti siciali : 2004

-Comu si pò cumunicà oghji ?

-Discriva ogni mezu di cumunicazioni : arnesi, pussibilità ecc.

-Paragunà un mezu di cumunicazioni incù unu o parechji altri : quandu, parchi è comu s'adopra...

-Invintà una discursata o una intarvinzioni par via di unu o l'altu di i mezi di cumunicazioni.